

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი**

ბრძანება N

ქ. ბათუმი

ივლისი, 2019 წ.

ბსუ-ს საერთო საცხოვრებლით სარგებლობის წესის დამტკიცების თაობაზე

„უმაღლესი განათლების შესახებ“ საქართველოს კანონის 23-ე, 24-ე მუხლების, ბსუ-ს წესდების მე-15 მუხლის, ბსუ-ს წარმომადგენლობითი საბჭოს 2011 წლის 09 სექტემბრის N02 გადაწყვეტილებით დამტკიცებული ბსუ-ს შინაგანაწესის 24-ე მუხლის მე-3 პუნქტის საფუძველზე

ვ ბ რ ძ ა ნ ე ბ :

1. დამტკიცდეს ბსუ-ს საერთო საცხოვრებლის სარგებლობის თანდართული წესი (დანართი 1).
2. ბრძანების შესრულებაზე კონტროლი დაევალოს ბსუ-ს სტუდენტთა საცხოვრებლის მენეჯერს და მატერიალური რესურსების მართვის დეპარტამენტს.
3. 2019 წლის 2 სექტემბრიდან ძალადაკარგულად იქნეს ცნობილი „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის საერთო საცხოვრებლით სარგებლობის წესის დამტკიცების თაობაზე“ ბსუ-ს ადმინისტრაციის ხელმძღვანელის 2017 წლის 5 ოქტომბრის N01-11/68 ბრძანება.
4. ბრძანების აღსრულებაზე კონტროლი დაევალოს ბსუ-ს საერთო საცხოვრებლის მენეჯერს და მატერიალური რესურსების მართვის დეპარტამენტს.
5. ბრძანება აღსასრულებლად და გასაცნობად დაეგზავნოს ბსუ-ს ფაკულტეტებს, შესაბამის სტრუქტურულ ერთეულებს და პერსონალს, ბსუ-ს საერთო საცხოვრებლის მენეჯერს, მატერიალური რესურსების მართვის დეპარტამენტს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საინფორმაციო ტექნოლოგიების სამსახურს, ადამიანური რესურსების მართვის სამსახურს და იურიდიულ დეპარტამენტს.
6. ბრძანება გამოქვეყნდეს ბსუ-ს კანცელარიასთან და ფაკულტეტებზე არსებულ საინფორმაციო დაფებზე და ვებგვერდზე (ვებში „საუნივერსიტეტო ნორმატიული აქტები“ და „სწავლა“).
7. ბრძანება სტუდენტებზე და პროფესიულ სტუდენტებზე გავრცელდეს 2019 წლის სექტემბრიდან წარმოშობილ ურთიერთობებზე.
8. ბრძანება ძალაში ხელმოწერისთანავე.

ადმინისტრაციის ხელმძღვანელი

ალექსანდრე მითაიშვილი

ბსუ-ს საერთო საცხოვრებლით სარგებლობის წესი

მუხლი 1. ზოგადი დებულებები

1. საერთო საცხოვრებლით სარგებლობის წესი შემუშავებულია საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში „ბსუ“) შინაგანაწესის საფუძველზე და განსაზღვრავს ბსუ-ს სარგებლობაში არსებული საცხოვრებელი ფართით (შემდეგში „საერთო საცხოვრებელი“) სარგებლობის პირობებს და ადმინისტრირების წესს.

2. საერთო საცხოვრებელი არის ბსუ-ს კანონიერ სარგებლობაში არსებული ფართის ნაწილი, რომელიც ადმინისტრაციის ხელმძღვანელის ბრძანების საფუძველზე განისაზღვრება საცხოვრებელ ფართად და მისი სარგებლობის ადმინისტრირება ხორციელდება წინამდებარე წესის შესაბამისად.

მუხლი 2. საერთო საცხოვრებლის მოსარგებლე

1. საერთო საცხოვრებლით შეიძლება შესაბამისი საფასურის გადახდის სანაცვლოდ ისარგებლოს (სასყიდლიანი სარგებლობა) :

ა) ბსუ-ს სტუდენტმა;

ბ) ბსუ-ს პროფესიულმა სტუდენტმა.

2. საერთო საცხოვრებლით შეიძლება უსასყიდლოდ ისარგებლოს პირმა, რომელიც მოკლევადიანი ვიზიტით, სამუშაოდ ან მემორანდუმის/ხელშეკრულების ფარგლებში, იმყოფება ბსუ-ში (შემდეგში „სტუმარი“).

3. სასწავლო წლებს შორის პერიოდში (საზაფხულო არდადეგები), ასევე სასწავლო წლის განმავლობაში ნებისმიერ დროს, სტუდენტთათვის განკუთვნილ საცხოვრებელ ფართში თავისუფალი ადგილების არსებობის შემთხვევაში, ადმინისტრაციის ბრძანებით განსაზღვრულ სხვა პირებს შეიძლება მიენიჭოთ სასყიდლიანი სარგებლობის უფლება.

4. საერთო საცხოვრებელში სტუდენტთათვის განსაზღვრული ადგილების რაოდენობა თუკი ნაკლებია ფართის სარგებლობაში მიღების მსურველთა რაოდენობაზე, უპირატესობა მიენიჭება პირებს, შემდეგი კრიტერიუმების მიხედვით (რიგითობით):

ა) შეზღუდული შესაძლებლობის მქონეს;

ბ) სოციალური პირობების გათვალისწინებით (სოციალურად დაუცველი -რეგისტრირებული სოციალურად დაუცველი ოჯახების მონაცემთა ერთიან ბაზაში და სარეიტინგო ქულის 70 000 და ნაკლების მქონე; „მაღალმთიანი რეგიონების განვითარების შესახებ“ საქართველოს კანონით განსაზღვრული სოფლებისა და რაიონების მცხოვრები; საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისათვის ბრძოლაში უგზო-უკვლოდ დაკარგულად აღიარებულის შვილი; საქართველოს ომისა და სამხედრო ძალების ვეტერანის შვილი; ობოლი (დედ-მამით, დედით ან მამით) ან მარტოხელა დედა; იძულებით გადაადგილებული (დევილის) სტატუსის მქონე; მრავალშვილიანი (ოთხი და მეტი) ოჯახის წევრი; ეკომიგრანტის (სტიქიით დაზარალებული) ოჯახის წევრი;). ამ პუნქტში აღნიშნული კრიტერიუმი გაითვალისწინება იმ შემთხვევაში, თუკი სტუდენტის აკადემიური მოსწრება არის არანაკლებ 3.0 GPA შეფასება;

გ) უფრო მაღალი აკადემიური მოსწრების (მაგრამ არანაკლებ 3.0 GPA შეფასების მქონე) ბსუ-ს სტუდენტს.

5. საერთო საცხოვრებელში სტუდენტთათვის განსაზღვრული ადგილების რაოდენობა თუკი ნაკლებია ფართის სარგებლობაში მიღების მსურველთა რაოდენობაზე, უპირატესობა მიენიჭება პირებს, სწავლების საფეხურის მიხედვით (**რიგითობით**):

ა) საბაკალავრო საგანმანათლებლო პროგრამის სტუდენტს;

ბ) სამაგისტრო საგანმანათლებლო პროგრამის სტუდენტს;

გ) სადოქტორო საგანმანათლებლო პროგრამის სტუდენტს.

6. საერთო საცხოვრებელში ბსუ-ს პროფესიული სტუდენტთათვის განსაზღვრული ადგილების რაოდენობა განისაზღვრება ბსუ-ს სტუდენტებისათვის განსაზღვრული საერთო რაოდენობის 10 %-ის ოდენობით. თუკი ამ ადგილების რაოდენობა ნაკლებია ფართის სარგებლობაში მიღების მსურველ პროფესიული სტუდენტების რაოდენობაზე, უპირატესობა მიენიჭება პირებს, შემდეგი კრიტერიუმების მიხედვით (რიგითობით):

ა) შეზღუდული შესაძლებლობის მქონეს;

ბ) სოციალური პირობების გათვალისწინებით (სოციალურად დაუცველი -რეგისტრირებული სოციალურად დაუცველი ოჯახების მონაცემთა ერთიან ბაზაში და სარეიტინგო ქულის 70 000 და ნაკლების მქონე; „მაღალმთიანი რეგიონების განვითარების შესახებ“ საქართველოს კანონით განსაზღვრული სოფლებისა და რაიონების მცხოვრები; საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისათვის ბრძოლაში უგზო-უკვლოდ დაკარგულად აღიარებულის შვილი; საქართველოს ომისა და სამხედრო ძალების ვეტერანის შვილი; ობოლი (დედით ან მამით) ან მარტოხელა დედა; იძულებით გადაადგილებული (დევნილის) სტატუსის მქონე; მრავალშვილიანი (ოთხი და მეტი) ოჯახის წევრი; ეკომიგრანტის (სტიქიით დაზარალებული) ოჯახის წევრი);

მუხლი 3. საერთო საცხოვრებლით სარგებლობის უფლების მოპოვება

1. ბსუ-ს საერთო საცხოვრებლით სარგებლობის უფლების მოსაპოვებლად ბსუ-ს სტუდენტი რეგისტრაციას გაივლის ბსუ-ს სტუდენტური პორტალის მეშვეობით (რეგისტრაციის გავლამდე აუცილებელია სტუდენტმა ამავე პორტალზე შეავსოს ე.წ. სტუდენტის სოციალური ბარათი).

2. ბსუ-ს საერთო საცხოვრებლით სარგებლობის უფლების მოსაპოვებლად პირი (ბსუ-ს პროფესიული სტუდენტი, უცხოელი სტუდენტი ბსუ-ში სწავლის პერიოდში ან სხვა, ბსუ-ს სტუმარი) ბსუ-ს კანცელარიის მეშვეობით განცხადებით მიმართავს ადმინისტრაციის ხელმძღვანელს. განცხადება შედგენილი უნდა იქნეს ამ წესის თანდართული ფორმის შესაბამისად (**ფორმა N1**), რომელსაც უნდა დაერთოს:

ა) ცნობა ბსუ-ს სტუდენტის/პროფესიულის სტატუსის შესახებ;

ბ) ბსუ-ში საქმიანი ვიზიტის საფუძველი (სტუმრის შემთხვევაში);

გ) 1 ცალი ფოტოსურათი (3/4);

დ) პირადობის მოწმობის (უცხოელის შემთხვევაში პასპორტის) ქსეროასლი;

ე) სხვა დოკუმენტი, ადმინისტრაციის ხელმძღვანელის ბრძანების შესაბამისად.

3. საერთო საცხოვრებლის ფართის სარგებლობის მსურველის განცხადებების დამუშავებას ახდენს საერთო საცხოვრებლის მენეჯერი (მატერიალური სახით

წარმოდგენილი განცხადებები, თანდართულ დოკუმენტაციასთან ერთად, ელექტრონული საქმისწარმოების შესაბამისად წარმოდგენილი და სტუდენტურ პორტალზე დარეგისტრირებული ბსუ-ს სტუდენტების შესახებ ინფორმაცია, რომელზეც აქვს წვდომა). კონკურსის შემთხვევაში შესაძლებელია საერთო საცხოვრებლის ფართის სარგებლობის მსურველთა განცხადებების გადარჩევა საცხოვრებლის მენეჯერმა აწარმოოს სტუდენტთა კარიერული განვითარების, კულტურისა და სპორტის დეპარტამენტის პერსონალის ჩართულობით.

4. საერთო საცხოვრებლის მენეჯერი უზრუნველყოფს ბსუ-ს საერთო საცხოვრებლით სარგებლობის მსურველსა და ბსუ-ს შორის ხელშეკრულების (ფორმა N2) გაფორმებას (ბსუ-ს მხრივ ხელს აწერს საცხოვრებლის მენეჯერი).

5. მოსარგებლესთან ხელშეკრულების გაფორმების შემდეგ, საცხოვრებლის მენეჯერის სამსახურებრივი ბარათის საფუძველზე გამოიცემა ბსუ-ს ადმინისტრაციის ხელმძღვანელის ბრძანება შესაბამისი პირისათვის ბსუ-ს საერთო საცხოვრებელში ფართის გამოყოფის შესახებ და სარეგისტრაციო ჟურნალში შეიტანება მონაცემები: მოსარგებლისათვის გადაცემული ოთახის ნომრის, ოთახში არსებული მოძრავი ნივთებისა (ავეჯი და სხვა ინვენტარი) და სარგებლობის ხანგრძლივობის შესახებ. სარეგისტრაციო ჟურნალის შესაბამის გრაფაში ხელმოწერით მოსარგებლე ადასტურებს მასში ასახული ინფორმაციის სისწორეს.

6. მოსარგებლესთან გაფორმებული ხელშეკრულების ვადა არ უნდა აღემატებოდეს:

- ა) ბსუ-ს სტუდენტთან - არაუმეტეს ერთ სასწავლო წელს (არაუმეტეს 10 თვისა);
- ბ) ბსუ-ს პროფესიულ სტუდენტთან - არაუმეტეს შესაბამისი პროგრამის ხანგრძლივობით;
- გ) ბსუ-ს დასაქმებულთან - არაუმეტეს შრომითი ურთიერთობის პერიოდს;
- დ) სხვა პირთან (ბსუ-ს სტუმარი ან სხვა) - არაუმეტეს შესაბამისი სამართლებრივი აქტით/მემორანდუმით/ხელშეკრულებით განსაზღვრულ ვადისა.

7. მოსარგებლესთან გაფორმებული ხელშეკრულებების აღრიცხვას საერთო საცხოვრებლის მენეჯერი აწარმოებს სპეციალურ ჟურნალში, ბსუ-ს საქმეთა ნომენკლატურის შესაბამისად. შესაბამის წერილობით ინფორმაციას აწვდის ადმინისტრაციის ხელმძღვანელს, ხოლო ყოველი კალენდარული წლის ბოლოს და ხელშეკრულების ვადის ამოწურვის შემდეგ, საფინანსო-ეკონომიკურ დეპარტამენტთან კონსულტაციის საფუძველზე, ხელშეკრულებებს შესანახად გადასცემს ბსუ-ს არქივს.

მუხლი 4. საერთო საცხოვრებლით სარგებლობის პირობები

1. საერთო საცხოვრებლით მოსარგებლემ უნდა იცხოვროს მისთვის გადაცემულ ოთახში (ოთახის გასაღები გადაეცემა საცხოვრებლის ადმინისტრაციის მიერ, ხოლო მეორე გასაღები უნდა ინახებოდეს საერთო საცხოვრებლის მენეჯერთან) და უფლება აქვს ისარგებლოს ყველა იმ კომუნალური პირობებით (ელექტროენერგია, წყალი და გაზი) და ინვენტარით/მოწყობილობით (საწოლი, კარადა, მაგიდა, სკამი და სხვა), რომელიც არსებობს შესაბამის ოთახში/შენობაში.

2. მოსარგებლე ვალდებულია:

- ა) გაუფრთხილდეს საცხოვრებლის ინვენტარს, ხოლო დაზიანების შემთხვევაში - აანაზღაუროს მისი ღირებულება;
- ბ) დაიცვას სარგებლობის წინამდებარე წესი, სარგებლობის ხელშეკრულებისა და საცხოვრებლის ადმინისტრირებისას განსაზღვრული მოთხოვნები;
- გ) დაზოგოს ელექტროენერგია, წყალი და გაზი;
- გ) დაიცვას სისუფთავე და წესრიგი, ტექნიკური, სანიტარული და სახანძრო უსაფრთხოების ნორმები;
- დ) დაიცვას სიმყუდროვე (არ შეუშალოს ხელი სხვა მოსარგებლეს (იმავე ან/და სხვა ოთახის) მუშაობაში, მეცადინეობას ან/და დასვენებაში);
- ე) მისთვის გადაცემული ოთახის სარგებლობის **5 დღეზე მეტი ვადით შეწყვეტის** შემთხვევაში მიაწოდოს შესაბამისი ინფორმაცია საცხოვრებლის ადმინისტრაციას, ხოლო **10 დღეზე მეტი ხნით შეწყვეტის შემთხვევაში**, ასევე, ჩააბაროს მიზარებული საგნები;
- ვ) გაუფრთხილდეს საცხოვრებელში არსებულ ნივთებს, არ გადაადგილოს ავეჯი და აღჭურვილობა საცხოვრებლის ადმინისტრაციასთან შეთანხმების გარეშე;
- ზ) სარგებლობის შეწყვეტის შემთხვევაში, მის მიერ დაკავებული ფართი (იქ არსებულ ინვენტართან ერთად) ჩააბაროს უნივერსიტეტის უფლებამოსილ პირს (საცხოვრებლის ადმინისტრაცია).

მუხლი 5. საერთო საცხოვრებელში დადგენილი აკრძალვები

1. საერთო საცხოვრებელში აკრძალულია:

- ა) თამბაქოს მოწევა, აზარტული თამაშები, ალკოჰოლური ან/და ნარკოტიკული საშუალებების მიღება ან/და შემოტანა;
- ბ) პოლიტიკური ან/და რელიგიური სააგიტაციო, სარეკლამო ფურცლებისა და პროკლამაციების შემოტანა და გავრცელება;
- გ) წარწერების გაკეთება ან დახატვა შენობაში და შენობის კედლებზე, ეთიკურად შეუფერებელი სურათების/ფოტოების და ა.შ. განთავსება;
- დ) ცეცხლსასროლი, გაზის/საფანტის ან ცივი იარაღით შემოსვლა;
- ე) საცხოვრებლის ადმინისტრაციასთან შეთანხმების გარეშე ოთახის გასაღების შეცვლა ან ღამის გასათევად გარეშე პირთა მიღება;
- ვ) წვეულების მოწყობა, რამაც შესაძლოა გამოიწვიოს სხვა მოზინადრეთა მყუდროების დარღვევა;
- ზ) ღამის 23:00 საათის შემდეგ ისეთი ქმედება, რაც იწვევს სხვათა მყუდროების დარღვევას (ხმაური ან/და შუქი);
- თ) ბსუ-ს შინაგანაწესის ან/და ეთიკის კოდექსით გათვალისწინებული დისციპლინური სამართალდარღვევის ან/და არაეთიკური ქმედების ჩადენა.

2. უნივერსიტეტის ადმინისტრაციის ხელმძღვანელის ბრძანებით შესაძლებელია დადგინდეს სხვა შეზღუდვები, საქართველოს კანონმდებლობიდან გამომდინარე.

3. დადგენილ აკრძალვებთან დაკავშირებით უნივერსიტეტის უსაფრთხოებისა და დაცვის განყოფილების პერსონალის ან/და საცხოვრებლის ადმინისტრაციის (მენეჯერის) განკარგულება სავალდებულოა შესასრულებლად.

მუხლი 6. პასუხისმგებლობა საცხოვრებლით სარგებლობის წესის დარღვევისათვის

1. მოსარგებლის მიერ წინამდებარე წესისა ან/და ხელშეკრულების პირობების დარღვევის შემთხვევაში საცხოვრებლის ადმინისტრირებაზე პასუხისმგებელი პირის (მენეჯერის ან სხვა) სამსახურებრივი ბარათის საფუძველზე ბსუ-ს ადმინისტრაცია უფლებამოსილია შეწყვიტოს მოსარგებლესთან ხელშეკრულება და მოითხოვოს სარგებლობის შეწყვეტა (დაკავებული ფართის თავისუფალ მდგომარეობაში ჩაბარება).
2. ბსუ-ს საერთო საცხოვრებლით სარგებლობის წესის დარღვევის შემთხვევაში მოსარგებლის მიმართ შესაძლებელია გამოყენებული იქნეს ბსუ-ს შინაგანაწესით ან/და ეთიკის კოდექსით გათვალისწინებული ღონისძიებები.
3. ამ მუხლით გათვალისწინებულ შემთხვევაში, თუკი მოსარგებლესთან ბსუ-ს ადმინისტრაციის ხელმძღვანელის ბრძანებით ვადაზე ადრე შეწყდება ხელშეკრულება, მოსარგებლე ვალდებულია გადაიხადოს მიმდინარე თვის გადასახადი (თუკი წინასწარ გადაიხადა - არ უბრუნდება).

მუხლი 7. საერთო საცხოვრებლით სარგებლობის საფასური

1. ადმინისტრაციის ხელმძღვანელის ბრძანებით განისაზღვრება საერთო საცხოვრებლის ფართით სარგებლობის საფასური (გადასახდელი).
2. საფასურის გადახდა ხორციელდება: სარგებლობის პირველი თვის - საცხოვრებელში რეგისტრაციიდან არაუგვიანეს მე-5 სამუშაო დღისა, ხოლო მომდევნო თვეების - შესაბამისი თვის არაუგვიანეს 10 რიცხვისა.
3. მოსარგებლის მიერ სარგებლობის საფასურის გადახდის მონიტორინგს ახორციელებს საერთო საცხოვრებლის მენეჯერი და შესაბამის წერილობით ინფორმაციას წარუდგენს ადმინისტრაციის ხელმძღვანელს.

მუხლი 8. საერთო საცხოვრებლით სარგებლობის უფლების შეწყვეტა

საერთო საცხოვრებლით სარგებლობა შეწყვეტილი უნდა იქნეს შემდეგ შემთხვევებში:

- ა) ბსუ-ს სტუდენტის სტატუსის შეწყვეტისას ან სტუდენტის სტატუსის შეჩერებისას (სტუდენტის შემთხვევაში);
- ბ) ბსუ-ს პროფესიული სტუდენტის სტატუსის შეწყვეტისას ან პროფესიული სტუდენტის სტატუსის შეჩერებისას (პროფესიული სტუდენტის შემთხვევაში);
- გ) 2 (ორ) თვეზე მეტი ვადით ბსუ-სთან შრომითი ურთიერთობის შეჩერებისას (დასაქმებულის შემთხვევაში);
- დ) სასწავლო წლის (დასკვნითი გამოცდების) დასრულებიდან არაუგვიანეს მე-5 სამუშაო დღისა (სტუდენტის/პროფესიული სტუდენტის შემთხვევაში);
- ე) საცხოვრებლით სარგებლობის საფასურის ზედიზედ ორი თვის განმავლობაში გადაუხდელობის შემთხვევაში;
- ვ) საერთო საცხოვრებლის სარგებლობის შეწყვეტის შესახებ ბსუ-ს ადმინისტრაციის ხელმძღვანელის სამართლებრივი აქტის გამოცემიდან არაუგვიანეს მე-5 სამუშაო დღისა;
- ზ) ბსუ-ს შინაგანაწესის ან/და ეთიკის კოდექსის ან/და ბსუ-სთან დადებული ხელშეკრულებით ნაკისრი ვალდებულების შეუსრულებლობის შემთხვევაში.

მუხლი 9. საერთო საცხოვრებლის ადმინისტრირება

1. ბსუ-ს საერთო საცხოვრებლის ადმინისტრირებას ხელმძღვანელობს **მენეჯერი, რომელიც:**

- ა) ახორციელებს მოსარგებლესთან ამ წესით გათვალისწინებული ხელშეკრულების გაფორმებას (ხელს აწერს ბსუ-ს სახელით), მათ აღრიცხვას და საცხოვრებლის საქმისწარმოებას;
- ბ) აწარმოებს მოსარგებლეთა საცხოვრებელში რეგისტრაციის ჟურნალს;
- გ) მონიტორინგს უწევს მოსარგებლეთა მიერ სარგებლობის საფასურის გადახდას;
- დ) უზრუნველყოფს წინამდებარე წესის მოთხოვნათა და საცხოვრებლის მართვასთან დაკავშირებით ადმინისტრაციის ხელმძღვანელის სხვა მითითებების შესრულებას.

განაცხადი

(უნივერსიტეტის საერთო საცხოვრებლის ფართით სარგებლობის თაობაზე)



1. სახელი და გვარი -----;
2. დაბადების თარიღი და პირადობის მოწმობის (პასპორტის) პირადი ნომერი -
----- ;
3. რეგისტრაციის მისამართი, ტელეფონი, ელექტრონული ფოსტა, -----
----- ;
4. ფაქტობრივი მისამართი ----- ;
5. საკონტაქტო პირის სახელი, გვარი, მისამართი და ტელეფონი -----
-----;
6. ფაკულტეტი/საგანმანათლებლო პროგრამა და ჩარიცხვის თარიღი (აღნიშნულ გრაფას ავსებს პროფესიული სტუდენტი/უცხოელი სტუდენტი ბსუ-ში სწავლის პერიოდში) -----;
7. ბსუ-ში საქმიანი ვიზიტის საფუძველი (აღნიშნულ გრაფას ავსებს ბსუ-ს სტუმარი)

8. ფართის სარგებლობის სასურველი პერიოდი -----;
9. **სხვა ინფორმაცია**, რომელსაც განმცხადებელი არსებითად მიიჩნევს, (საერთო საცხოვრებლის წესით გათვალისწინებული კრიტერიუმი, საშეღავათო გარემოება, სპეციალური საჭიროება, ჯანმრთელობის მდგომარეობა ან/და სხვა) -----

შევსების თარიღი -----

ხელმოწერა -----

ხელშეკრულება

(ბსუ-ს საერთო საცხოვრებლის ფართით სარგებლობის შესახებ)

ქ. ბათუმი

„ _____ “ _____ წ.

ერთი მხრივ საჯარო სამართლის იურიდიული პირი – ბათუმის შოთა რუსთაველის სახელმწიფო უნივერსიტეტი (შემდგომში „უნივერსიტეტი“ ან „ბსუ“), წარმოდგენილი საერთო საცხოვრებლის მენეჯერის, თემურ გოგიტიძის მიერ და მეორე მხრივ ფიზიკური პირი _____ (შემდგომში „მოსარგებლე“) ვლებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

ხელშეკრულების საგანია უნივერსიტეტსა და მოსარგებლეს შორის ბსუ-ს საერთო საცხოვრებლის ფართით (ქ. ბათუმი, ლეონის N15-ში განთავსებული შენობის N ---- ოთახი) სარგებლობასთან დაკავშირებული ურთიერთობის რეგულაცია.

მუხლი 2. მხარეთა უფლებები და ვალდებულებები

2.1. მხარეების უფლებები და ვალდებულებები განისაზღვრება საქართველოს კანონმდებლობით, უნივერსიტეტის წესდებით, შინაგანაწესით, ეთიკის კოდექსით, ბსუ-ს საერთო საცხოვრებლის სარგებლობის წესითა და წინამდებარე ხელშეკრულებით.

2.2. მოსარგებლე ადასტურებს, რომ ხელშეკრულებაზე ხელმოწერის დროისათვის გაცნობილია ბსუ-ს საერთო საცხოვრებლის სარგებლობის წესს და იღებს ვალდებულებას:

ა) მიიღოს დროებით სარგებლობაში საერთო საცხოვრებლის შესაბამისი ოთახი, მხარეთა მიერ ხელმოწერილი მიღება-ჩაბარების აქტის საფუძველზე;

ბ) ოთახი გამოიყენოს საერთო საცხოვრებლის სარგებლობის წესით განსაზღვრული მიზნებისათვის;

გ) ოთახის სარგებლობისას დაიცვას სანიტარულ-ჰიგიენური, ხანძარსაწინააღმდეგო ნორმები და ტექნიკის გამოყენების წესები;

დ) ეკონომიურად მოიხმაროს ელექტროენერგია, წყალი და გაზი;

ე) სარგებლობისას გაუფრთხილდეს ოთახში არსებულ ავეჯს და ტექნიკურ აღჭურვილობას, არ მოახდინოს მათი თვითნებურად გადაადგილება, ხოლო დაზიანების შემთხვევაში ანაზღაუროს ზიანი, ბსუ-ს ადმინისტრაციის მიერ განსაზღვრული ოდენობით;

ვ) დროულად გადაიხადოს ბსუ-ს საერთო საცხოვრებლის ფართით სარგებლობის საფასური;

ზ) ხელშეკრულების შეწყვეტიდან არაუგვიანეს მე-5 სამუშაო დღისა, გამოათავისუფლოს ოთახი და ნორმალური ცვეთის გათვალისწინებით, მიღება-ჩაბარების აქტის საფუძველზე ჩააბაროს ბსუ-ს უფლებამოსილ პირს;

თ) ჯეროვნად შეასრულოს ამ ხელშეკრულებით, ბსუ-ს საერთო საცხოვრებლის სარგებლობის წესით, უნივერსიტეტის აქტებითა და მოქმედი კანონმდებლობით განსაზღვრული სხვა ვალდებულებები.

2.3. უნივერსიტეტი ვალდებულია უზრუნველყოს მოსარგებლე საერთო საცხოვრებლის ოთახით და სარგებლობისათვის აუცილებელი საყოფაცხოვრებო პირობებით (კომუნალური პირობები, ავეჯი და ტექნიკა).

მუხლი 3. საერთო საცხოვრებლით სარგებლობის საფასური

- 3.1. საერთო საცხოვრებლის ფართით სარგებლობის საფასური განსაზღვრულია ბსუ-ს ადმინისტრაციის ხელმძღვანელის სამართლებრივი აქტით, რომელიც განთავსებულია ბსუ-ს ვებგვერდზე და მოსარგებლე გაცნობილია ამ ხელშეკრულებაზე ხელმოწერის დროისათვის.
- 3.2. ამ მუხლში აღნიშნული „საფასური“ შეიძლება შეიცვალოს უნივერსიტეტის ადმინისტრაციის ხელმძღვანელის ბრძანებით, რაც მოსარგებლეს ეცნობება ერთი თვით ადრე (გამოქვეყნდება ბსუ-ს ვებგვერდზე და საერთო საცხოვრებლის საინფორმაციო დაფაზე).

მუხლი 4. ხელშეკრულების მოქმედების ვადა

- 4.1. წინამდებარე ხელშეკრულება ძალაშია 20__ წლის __ _____ და მოქმედებს 20__ წლის __ _____ მდე;
- 4.2. ხელშეკრულების შეწყვეტის საფუძვლები აღნიშნულია ბსუ-ს ადმინისტრაციის ხელმძღვანელის ბრძანებით დამტკიცებული „საერთო საცხოვრებლის სარგებლობის წესში“.

მუხლი 5. სხვა პირობები და მხარეთა რეკვიზიტები

- 5.1. შემთხვევები, რომლებიც არ არის გათვალისწინებული წინამდებარე ხელშეკრულებით, მხარეები ხელმძღვანელობენ მოქმედი კანონმდებლობით;
- 5.2. ხელშეკრულების პირობები შეიძლება შეიცვალოს კანონმდებლობით განსაზღვრული წესით;
- 5.3. ხელშეკრულება შედგენილია ორ ეგზემპლარად, ორივეს გააჩნია თანაბარი იურიდიული ძალა და თითოეული ეგზემპლარი ინახება მხარეებთან.
- 5.4. მხარეთა რეკვიზიტები:

„უნივერსიტეტი“

მის: ქ. ბათუმი, რუსთაველის/ნინოშვილის
ქ. №32/35

(ხელმოწერა)

„მოსარგებლე“

სახელი, გვარი _____
პირადობის მოწობის № _____
პირადი № _____
ფაქტობრ. მისამთ. _____
რეგისტრ. მისამ. _____
ტელეფონი _____
ელ. ფოსტა _____
საკონტაქტო სხვა პირის სახელი, გვარი,
ტელეფონი _____
ხელმოწერა _____